



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. VI. Augustinus respondet Cresconio hæretico vitiligatori

urn:nbn:de:hbz:466:1-42857

CAPVT VI.

Augustinus respondet Cresconio hæretico vitiligatori.

Cum autem Cresconius quidam Grammaticus, ac Donatistarum acerrimus defensor, liuore tabescens videret, indies Augustini operâ plures ex hæreticorum stationibus ad castra transire Orthodoxorum, non veritatis inquirendi studio, sed aduersandi libidine, de Grammaticæ regulis Augustino quæstiunculam ausus est proponere; contendens, eos qui cum Donato sentiebant, non Donatistas sed Donatianos esse vocandos: aiebatque Græcorum id sapere loquendi morem, apud quos ab Evangelio sunt Euangelistæ nominati. Cui Augustinus Demosthenis obiiciens auctoritatem, qui rerum quàm vocum studiosiores esse oportere monet: *Nostra, inquit, non in expolitione sermonis, sed in demonstratione veritatis est maior intentio.* Hæc ipse: quæ, ut rectè sentit Baronius iure dici possint in sciolos nostri temporis, à quibus hæreses emanauère; nimirum à collegis Cresconij, verborum vitia sugillantibus, nouatoribus hæreticis, sine Scripturâ diuinâ Theologis, Apostolis sine miraculis, absque verâ Fide Religiosis, ex Grammaticis factis statim Euan-

Lib. 2. cōtra
Crescon.
cap. 1.

Tom. 5. an-
no 405.

Euangelij interpretibus, ministris Ecclesiam destruentibus, censoribus orbis, orbatis mentis oculis.

CAPVT VII.

Radagysio Scythâ cesso, altiori Dei prouidentie victoriam adscribit D. Augustinus.

EA tempestate CC. millium exercitu Radagysius Scytharum immanis Tyrannus in Italiam irruptionem fecit, & iam spe Romam præceperat, libaturus Romanum sanguinem Ioui, cui indies sacrificabat: cum ecce tam ingentes copiae, nullo Romanorum militum desiderato, ad internecionem sunt deletæ. Quam victoriam cum humano sensu vulgus æstimaret, Augustinus altius expendens, Dei miram in eâ beneuolentiam obseruauit, quæ Romanis peccantibus horrendam à Scythis cladem est interminata; & ne tot animæ ludibrio fierent hostibus, cederetque ingens auerno victima, quæ vicinior erat pars iniuriæ, hanc è medio sustulit. Cum grauiore supplicio prauos hominum mores punire statuisset, indignationem, inquit, suam mansuetudine temperauit, ut illum primò faceret mirabiliter vinci, ne ad infirmos animos euertendos gloria daretur demonibus.

Anno 406.

Serm. 29.

in Lucam,

& lib. 5 De

ciuit. c. 23.